



YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 29 de decembro de 2022**, adoptou o seguinte acordo:

10.- SUBVENCIÓN NOMINATIVA A FAVOR DA FUNDACIÓN CELTA DE VIGO EN RELACIÓN AO DESENVOLVEMENTO DUN PROGRAMA DE FOMENTO DO FÚTBOL BASE DURANTE A TEMPADA DEPORTIVA 2018/2019. EXPTE. 19653/333.

Visto o informe xurídico e o informe de fiscalización do 26/12/2022, dáse conta do informe-proposta da mesma data, asinado polo xefe do Servizo de Deportes, o concelleiro-delegado de Deportes e o concelleiro-delegado de Orzamentos e Facenda, que di o seguinte:

Co obxecto de dar continuidade á tramitación do expediente nº 19653/333 sobre a proposta de subvención dunha subvención nominativa a favor da Fundación Celta de Vigo en execución da sentenza 148/2021 do xulgado do contencioso administrativo Nº1 de Vigo confirmada polo TSXG, e atendendo á detección dun erro na identificación da aplicación orzamentaria contra á que irá cargada a subvención, procédese a substituír ó longo da proposta a aplicación 3410.489.00.16 pola 3420.480.00.13.

Polo exposto, procede a modificación da proposta atendendo a observación detallada:

ANTECEDENTES

- En data 30 de abril de 2019 a Fundación Celta de Vigo presentou solicitude de abono de subvención (Doc. 190063558) para o financiamento do proxecto deportivo de fomento do fútbol base da tempada deportiva 2018/2019.
- Con data 10 de xuño de 2020 a Fundación Celta de Vigo (G36810042) presentou, a través da sede electrónica do Concello de Vigo unha nova solicitude de abono da subvención nominativa detallada no orzamento do ano 2019 da Concellería de deportes apercibindo que, de non ser tida en conta tal solicitude no prazo de tres meses procederase de modo inmediato a presentar recurso contencioso administrativo.
- Con data 19 de xuño de 2020 a secretaria da Administración Municipal, emitiu informe desfavorable á solicitude da Fundación Celta de Vigo en base ás consideracións xurídicas expostas no informe incorporado ó expediente 19653/333 indicando a necesidade de incorporar, á súa vez, o informe-proposta do xefe do servizo de deportes, someter o expediente á fiscalización da Intervención Municipal e á aprobación da resolución á xunta de goberno local como órgano competente en virtude da delegación de facultades efectuada por Resolución da Alcaldía de data 18 de xuño de 2019 en materia de concesión da subvención e aprobación do gasto.
- O 25 de xuño de 2020, o Xefe do servizo de deportes emite proposta de rexeitamento da solicitude de abono da subvención a favor da Fundación Celta de Vigo en relación ó financiamento do seu proxecto deportivo da tempada 2018/2019, proposta informada favorablemente pola Intervención do Concello de Vigo con data 03/07/2020.



Copia do documento - Concello de Vigo	Data impresión: 10/03/2026 08:58	Páxina 1 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Con data 23 de xullo de 2020, a Xunta de Goberno Local acordou rexeitar o aboamento dunha subvención a favor da Fundación Celta de Vigo en relación ó fomento do seu proxecto deportivo da tempada 2018/2019, e notificar á interesada, indicándolle que contra o acordo que pon fin á vía administrativa, e de conformidade co previsto nos artigos 123 e 124 da Lei 39/2015, do 1 de outubro, de Procedemento Administrativo, poderase interpoñer recurso administrativo de reposición perante o mesmo órgano que a ditou no prazo de 1 mes a contar dende o día seguinte ao da notificación, ou ben directamente recurso contencioso-administrativo perante os xulgados do Contencioso-administrativo de Vigo no prazo de 2 meses.
- Con data 27 de xullo de 2020 remitiuse a través da sede electrónica notificación á Fundación Celta de Vigo co acordo da Xunta de Goberno local de data 23 de xullo de 2020 anexado.
- A Fundación Celta de Vigo deu acuse de recibo da notificación remitida o 27 de xullo de 2020.
- O día 30 de xullo de 2021 o Xulgado do Contencioso Administrativo núm. 1 de Vigo ditou sentenza núm. 148/2021, co seguinte fallo:
“Que debo ESTIMAR y ESTIMO parcialmente el recurso contencioso-administrativo formulado por el Procurador Sr. Fandiño en nombre y representación de La FUNDACIÓN REAL CLUB CELTA DE VIGO, frente a la resolución de la XGL del CONCELLO de VIGO de fecha 23/07/2020, por la que se desestima la solicitud de abono de la subvención directa contemplada en los presupuestos del Concello de Vigo para el ejercicio 2019, denominada “SUBV. FOMENTO FUTBOL BASE FUNDACION CELTA DE VIGO, por importe de 295.000 euros, **que se anula**, por estimarla no conforme a derecho, procediendo en consecuencia retrotraer las actuaciones en el expediente para la resolución de su concesión o aprobación del convenio conforme a lo establecido en el art. 28 de la LXS y art. 65.3 del RXS, todo ello sin hacer expresa imposición de las costas procesales.”
- O Concello de Vigo interpuxo recurso de apelación contra dita sentenza en setembro de 2022.
- O TSXG mediante sentenza 167/2022, desestima o recurso de apelación interposto pola representación procesal do CONCELLO DE VIGO, contra a resolución impugnada, e confirma a sentenza do 30 de xullo 21 do Xulgado do Contencioso-Administrativo num. 1 de Vigo, ditada no PO 238/20 por resultar conforme a Dereito. Mediante dilixencia de ordenación de 5 de xullo de 2022 declárase firme a sentenza ditada no recurso de apelación.
- Aos efectos de dar cumprida execución á sentenza, incoouse expediente de modificación orzamentaria núm. 75, 75A-2022, que foi aprobada con carácter inicial o definitivo polo Pleno o 14 de decembro de 2022 (BOP núm. 238, do 15 de decembro de 2022).
- Mediante resolución do 28 de novembro de 2022 do Concelleiro de deportes, retómase e continúaase a tramitación administrativa da solicitude de subvención presentada no ano 2019 (expte 19653-333) pola Fundación Celta de Vigo co fin de dar cumprimento coa sentenza citada.
- O 28 de novembro, o Xefe do servizo de deportes emite informe de verificación da documentación presentada pola Fundación Celta de Vigo no ano 2019 e require á entidade que complete a documentación achegada no seu momento.
- Con data 21 de decembro de 2022 a Fundación Celta de Vigo presenta a través do Rexistro electrónico do Concello de Vigo a documentación requirida.
- Con data 21 de decembro o Xefe do servizo de deportes emite informe facendo constar o cumprimento do obxecto da actividade obxecto da proposta de subvención e a validez e conformidade da documentación presentada pola Fundación Celta de Vigo.

Por todo canto vai dito, dáse inicio ó seguinte,



Copia do documento - Concello de Vigo	Data impresión: 10/03/2026 08:58	Páxina 2 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



INFORME PROPOSTA

Atendendo ós antecedentes descritos, e á instrución asinada polo Concelleiro de Deportes, dase inicio á tramitación do expediente de subvención nominativa por importe de 295.000,00 € detallada na partida orzamentaria 3420.480.00.13 a favor da entidade Fundación Celta de Vigo polo desenvolvemento do programa de fomento do fútbol base na tempada deportiva 2018/2019 en cumprimento da sentenza do TSXG Nº 0017/2022.

Da documentación presentada, se desprende que a Fundación Celta de Vigo foi constituída en escritura pública outorgada en Vigo, o día 17 de xullo 1996, e declarada de interese Galego por Orden da Consellería da Presidencia e Administración Pública, do 29 de outubro de 1996.

Esta Fundación, ao amparo do establecido no artigo 5 dos seus estatutos, ten por obxecto e finalidade, entre outros, fomentar o desenvolvemento do deporte en todos os seus ámbitos.

Neste sentido, a Fundación Celta de Vigo desenvolveu actuacións encamiñadas á dinamización de actividades deportivas relacionadas coa práctica do fútbol, e a promoción de actuacións vinculadas ó fomento desta modalidade, así como outras actividades relacionadas ou derivadas de dita práctica, fundamentalmente orientadas ás categorías base, segundo consta no proxecto presentado.

O programa que presentou a Fundación Celta de Vigo dentro do obxecto deste expediente de subvención, orientouse fundamentalmente á dinamización, dirección, coordinación e xestión das categorías inferiores do R.C. Celta de Vigo, que contou con equipos que participaron nas competicións de maior nivel deportivo de carácter nacional e autonómico, como a Liga de División de Honra Xuvenil, ou a Liga de División de Honra Cadete, así como no resto de competicións e categorías de carácter máis formativo, como a Liga Galega división de honra Cadete ou a Liga Galega e Infantil 1º autonómica. Ademais, como parte do proceso formativo, os diferentes equipos do proxecto, competiron nalgúns dos Torneos de nivel nacional e internacional nos que se dan cita equipos base de equipos de todo o mundo, como a Dubai International Cup, Coelho Verde en Portugal, a Gyonongju International Youth Cup en Corea do Sur, o Torneo Suruga en Xapón, a Challenge Piana en Francia, a Copa Celta en México, a Jeju International en Corea do Sur, a U12 izmir Cup en Turquía ou a Pouss Cup Roubaix en Francia.

A esta actividade hai que engadir a participación de xóvenes promesas nas diferentes categorías das seleccións nacionais.

No ámbito internacional, tamén destaca o reforzo da Fundación Celta pola apertura de escolas de formación en diferentes países, como Romanía, México ou Perú.

A participación neste proxecto enmárcase dentro das competencias que teñen os municipios conforme establece a Lei 27/2013, de 27 de decembro, de racionalización e sostenibilidade de Administración Local, en concordancia co establecido na Lei 5/2004, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, que determina que o *"Municipio, para a xestión dos seus intereses e do ámbito das súas competencias, pode promover actividades e prestar servizos públicos que contribúan a satisfacer as necesidades e aspiracións da comunidade veciñal.."* e que *"...exercerá en todo caso como competencia propia, a promoción do deporte e instalacións deportivas e de ocupación do tempo libre"* e como resposta ó cumprimento da sentenza 0017/2022 do TSXG.



Copia do documento - Concello de Vigo	Data impresión: 10/03/2026 08:58	Páxina 3 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Tendo en conta estes criterios e a actuación levada a cabo pola Fundación Celta de Vigo, plantéase a presente proposta de resolución de subvención á Fundación Celta de Vigo. A proposta de subvención ten en conta o alcance do orzamento destinado pola Fundación Celta á execución do proxecto de dinamización, dirección, coordinación e xestión das categorías inferiores do R.C. Celta de Vigo, que de acordo coa documentación presentada que se adxunta a este expediente ascende a un gasto total de 379.00,00 €.

Atendendo ó exposto, o importe proposto para coadjuvar ó financiamento do desenvolvemento do programa de fomento do fútbol base desenvolvido pola propia Fundación Celta de Vigo na cidade de Vigo na tempada 2018/2019 ascende a un importe de 295.000,00€. Dito importe financiarase a través do crédito existente na partida 3420.480.00.13.

A lexislación aplicable, para esta proposta, é a que sinala o artigo 5 la LXS, que se refire o réxime xurídico das subvencións, do que resulta a seguinte normativa configuradora do réxime xurídico destas subvencións: Lei 38/2003, de 17 de novembro, Xeral de Subvencións, co carácter básico e supletoria que resulta da súa disposición final primeira; a normativa autonómica sobre subvencións Lei 9/2007 do 13 de xuño, de subvencións de Galicia; o Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións, as Bases de execución dos vixentes orzamentos do Concello de Vigo; Lei 19/2013, de 9 de decembro, de transparencia, acceso á información pública e bo goberno; as restantes normas de dereito administrativo e, no seu defecto, as normas de dereito privado.

Así mesmo, será de aplicación o establecido na Lei 15/2014, de 16 de setembro, de Racionalización do Sector Público e outras medidas de reforma administrativa, que modifica o contido da Base de datos Nacional de Subvencións (BDNS) que se contempla no apartado 20.2 da Lei 38/2003, de 17 de novembro, Xeral de Subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, que establece que o contido da información en materia de subvencións e axudas públicas deber ser obxecto de publicación no portal de transparencia dos Concellos con indicación do seu importe, obxectivo ou finalidade e beneficiarios, e que regula no apartado 20.8 o contido que se debe publicar a través do sistema Nacional de Publicidade das Subvencións, e que entrou en vigor o 1 de xaneiro de 2016, e a Resolución de 10 de decembro de 2015 da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, que regula o rexistro das convocatorias de subvencións e axudas públicas na Base de Datos Nacional de Subvencións, que establece que *“Naquelas subvencións ou axudas públicas nas que non sexa preceptiva a convocatoria, o órgano concedente rexistrará na BDNS os datos estruturados inmediatamente despois de que se publique a disposición reguladora se se trata de subvencións ou axudas con destinatarios indeterminados, ou no momento da concesión, no resto dos casos”*.

O Concello de Vigo propón a concesión directa á Fundación Celta de Vigo dunha subvención por importe de 295.000,00€ con cargo á partida orzamentaria 3420.480.00.13 do orzamento en vigor mediante transferencia bancaria á conta corrente facilitada pola entidade co obxecto de coadjuvar ó financiamento das actividades vinculadas co seu proxecto de promoción do fútbol base a través da dinamización, dirección, coordinación e xestión das categorías inferiores da Fundación Celta de Vigo, desenvolvido na tempada deportiva 2018/2019 e como cumprimento da sentenza do TSXG 0017/2022. A tramitación do pago da subvención realizarase, unha vez que a Xunta de Goberno Local aprobe a proposta.

Esta subvención será compatible con calquera outra subvención ou axuda para a mesma finalidade procedente de calquera administración ou de entes públicos ou privados, nacionais, da Unión Europea ou de organismos internacionais.



Copia do documento - Concello de Vigo	Data impresión: 10/03/2026 08:58	Páxina 4 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Da documentación presentada pola Fundación Celta de Vigo, se constata que esta non obtivo outras subvencións, axudas, ingresos ou recursos que financiaran a actividade subvencionada.

En calquera caso, o importe total da subvención ou subvencións non supera o da actividade subvencionada segundo se detalla na documentación presentada pola entidade solicitante.

Conforme ao disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei de Galicia 9/2007, de 13 de xuño, de subvencións de Galicia, a resolución de concesión, e no seu caso os convenios a través dos cales se canalicen estas subvencións, establecerán as condicións e compromisos aplicables de conformidade co disposto na propia lei e que se detallan a continuación:

- a) O obxecto da presente proposta de subvención é coadxuvar no financiamento dos gastos vinculados co desenvolvemento do “Programa de dinamización do fútbol base na tempada deportiva 2018-2019”.
 - b) Esta axuda non ten ningunha incompatibilidade con outras axudas ou subvencións solicitadas ou concedidas procedentes de outras administracións ou entes públicos ou privados.
 - c) Que a Fundación Celta de Vigo non está incurso en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas tributarias e fronte a Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente núm. 19653/333.
 - d) A subvención abonarase á entidade beneficiaria trala aprobación da proposta pola Xunta de Goberno Local.
 - e) As causas de reintegro da subvención serán as que se determinan no artigo 33 da lei 9/2007 do 13 de xuño, de subvencións de Galicia.
 - f) Canto ás infraccións e sancións en que poida incurrir a beneficiaria da subvención e procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e na Lei 39/2015, de 1 de outubro, do Procedemento Administrativo Común das Administracións Públicas.
 - g) A beneficiaria está informada de que os seus datos e os dos seus representantes serán incorporados aos ficheiros municipais. A finalidade da súa recollida é a instrución do procedemento para a concesión da subvención obxecto do presente expediente, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia en orden á conclusión do proceso, polo que a súa achega é obrigatoria.
- Os datos de carácter persoal serán tratados e protexidos de conformidade co Regulamento 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ó tratamento de datos persoais e á libre circulación destes sen prexuízo da aplicación da Lei 3/2018 e demais normativa vixente en materia de protección de datos.
- h) En canto a subcontratación das actividades subvencionadas, a presente resolución non contempla a mesma.

O texto da proposta incorpora os contidos mínimos esixidos para a concesión desta subvención polo art. 26.2 da Lei de Galicia 9/2007 e a Base 38 de execución do vixente orzamento do Concello de Vigo; contidos que se estiman conformes ao interese público que a proposta persegue.



Copia do documento - Concello de Vigo	Data impresión: 10/03/2026 08:58	Páxina 5 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Que en aplicación dos principios recollidos na Lei 19/2013 de decembro, de transparencia, acceso á información pública e bo goberno, a Base de Datos Nacional de Subvencións BDNS operará como sistema nacional de publicidade das subvencións. A tales efectos, e para garantir o dereito dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido no artigo 20.4 e 20.8 da Lei 38/2003.

A proposta de adjudicación directa ten natureza administrativa e rexerase pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a Lei 40/2015 de 1 de outubro de Réxime Xurídico do Sector Público, a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen nesta proposta; as Bases de Execución dos orzamentos do Concello de Vigo e as restantes normas de dereito administrativo, e no seu defecto, as normas de dereito privado.

Serán gastos subvencionables os que de xeito indubitado respondan á natureza da actividade subvencionada e se realizaran no período comprendido na tempada deportiva 2018/2019.

Tal como establece o art. 29.7 da Lei 9/2007, de 13 de xuño de subvencións de Galicia, serán gastos subvencionables, ademais, os “gastos financeiros” da entidade directamente relacionados coa actividade subvencionada e resulten indispensables, establecéndose un límite dos gastos financeiros subvencionables ata un 1% do importe.

Cando o importe do gasto subvencionable supere as contías establecidas na Lexislación de Contratos del Sector público para o contrato menor, o beneficiario deberá presentar como mínimo tres ofertas de diferentes provedores, agás que por as súas especiais características non exista no mercado suficientes.

A axeitada xustificación, a realización da actividade e o cumprimento da finalidade que determinou a concesión da subvención foi comprobada polos servizos da Concellería de Deportes. O servizo de Deportes emitiu informe ao respecto facendo constar o cumprimento do obxecto da actividade subvencionada e a conformidade da documentación presentada.

A beneficiaria deberá facilitar toda a información que lle sexa requirida pola Concellería de Deportes e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

Procederá o reintegro das cantidades percibidas e a esixencia de xuros de demora desde o pagamento da subvención ata a data na que se acorde a procedencia do reintegro nos casos do artigo 33 LSG.

Canto ás infraccións e sancións en que poida incurrir a beneficiaria da subvención á que se refire a proposta e o procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e na lei 39/2015 do procedemento administrativo común das administracións públicas

A concesión da subvención obxecto da proposta rexerase pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen na proposta; as Bases de Execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.



Copia do documento - Concello de Vigo	Data impresión: 10/03/2026 08:58	Páxina 6 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Esta subvención concédese en execución da sentenza do Xulgado do Contencioso Administrativo núm. 1 de Vigo núm. 148/2021 confirmada polo TSXG, e o seu pago realizarase trala súa aprobación pola Xunta de Goberno Local, acumulándose neste acto de aprobación as fases ADOP do orzamento de gastos, relativas ao i) seu outorgamento, á ii) autorización do gasto e iii) á orde de pago, por canto estamos ante unha execución de sentenza consistente no outorgamento e pagamento dunha subvención para o financiamento dunha actividade xa realizada entre os anos 2018-2019 e que consta xa coa xustificación dese gasto por mor do período no que executouse (2018-2019).

Por todo o exposto propónse a Xunta de Goberno Local a adopción dos seguintes acordos:

- PRIMEIRO:** Outorgar a subvención nominativa prevista no orzamento municipal a favor da Fundación Celta de Vigo en relación ó desenvolvemento do Programa de dinamización do fútbol base na tempada deportiva 2018-2019 en cumprimento da sentenza ditada o día 30 de xullo de 2021 polo Xulgado do Contencioso Administrativo núm. 1 de Vigo con núm. 148/2021.
- SEGUNDO:** Autorizar e dispoñer o gasto por importe de 295.000,00 €. a favor da Fundación Celta de Vigo, co CIF: G-36810042, con cargo á aplicación orzamentaria 3420.480.00.13 “Subvención Fundación celta de Vigo” do programa orzamentario do servizo de deportes para o vixente exercicio.
- TERCEIRO:** Abonar á Fundación Celta de Vigo 295.000,00€ mediante transferencia bancaria trala aprobación da proposta.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 10/03/2026 08:58	Páxina 7 de 7
19653-333	CSV: A3B1AH-338BC4-C13C8E-9RFL4K-G7FW81-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		